



BOSNA I HERCEGOVINA
БОСНА И ХЕРЦЕГОВИНА

INSTITUT ZA AKREDITIRANJE BOSNE I HERCEGOVINE
ИНСТИТУТ ЗА АКРЕДИТОВАЊЕ БОСНЕ И ХЕРЦЕГОВИНЕ



*Bilateralni potpisnik EA MLA
*Билатерални потписник EA MLA

Broj: 03-1-16-5-196-14/17
Sarajevo, 28.03.2017. godine

Na osnovu člana 61. stav (2) Zakona o upravi («Službeni glasnik BiH», br. 32/02 i 102/09), člana 70. stav (1) i (3) Zakona o javnim nabavkama („Službeni glasnik BiH“, broj: 39/14), te preporuke Komisije za javne nabavke o izboru najpovoljnijeg ponuđača broj: 03-1-16-5-196-13/17 od 28.03.2017. godine, direktor Instituta za akreditiranje Bosne i Hercegovine d o n o s i

O D L U K U O IZBORU NAJPOVOLJNIJEG PONUĐAČA ZA NABAVKU KANCELARIJSKOG MATERIJALA I TONERA

Usvaja se preporuka Komisije za javne nabavke o izboru najpovoljnijeg ponuđača broj: 03-1-16-5-196-13/17 od 28.03.2017. godine, te se utvrđuje da je u postupku javne nabavke kancelarijskog materijala i tonera putem konkurentskog zahtjeva za ponude, kao najpovoljniji ponuđač izabrana firma Svjetlostkomerc d.d., Muhameda Kantardžića broj 3, Sarajevo.

O b r a z l o ž e n j e

Komisija za javne nabavke Instituta za akreditiranje BiH je dana 06.03.2017. godine, na osnovu Odluke direktora Instituta za nabavku kancelarijskog materijala i tonera putem konkurentskog zahtjeva za ponude broj 03-1-16-5-196-1/17 od 28.02.2017. godine, objavila Obavještenje o nabavci na Portalu javnih nabavki BiH (broj obavještenja: 200-7-1-2-3-2/17). U skladu sa članom 88. stav (1) Zakona o javnim nabavkama („Službeni glasnik BiH“ br. 39/14), Ugovorni organ je uputio poziv za dostavu ponuda u postupku konkurentskog zahtjeva za nabavku kancelarijskog materijala i tonera na najmanje tri adrese, a do krajnjeg roka za dostavu ponuda blagovremeno je dostavljeno pet ponuda.

Na sjednici Komisije za javne nabavke, održane dana 24.03.2017. godine, izvršeno je vrednovanje dostavljenih ponuda za nabavku kancelarijskog materijala i tonera.

Ponude su, u skladu sa konkurentskim zahtjevom i tenderskom dokumentacijom, dostavili slijedeći ponuđači:

Red br.	Ponuđač	Cijena iz ponude sa PDV-om
1.	SVJETLOSTKOMERC d.d. Sarajevo	6.363,96 KM
2.	PRIMAPROM d.o.o. Banja Luka	2.390,28 KM
3.	PLAN PLUS d.o.o. Zenica	1.955,93 KM
4.	CROBOX d.o.o. Sarajevo	2.419,95 KM
5.	AMOS GRAF d.o.o. Sarajevo	6.337,55 KM

Pregledom i ocjenom ponuda u smislu kvalificiranosti ponuđača, komisija za javne nabavke je konstatovala slijedeće:

- Ponuđači Primaprom d.o.o. Banja Luka, Plan Plus d.o.o. Zenica i Crobox d.o.o. Sarajevo dostavili su ponude u kojima ponuđene cijene HP tonera ne odgovaraju tržišnim cijenama original tonera. Naime, Institut za akreditiranje BiH je istraživanjem tržišta ispitao cijene HP tonera i zaključio da navedeni ponuđači nisu dostavili cijene za original tonere kako je navedeno u tenderskoj dokumentaciji u Aneksu 2 (Obrazac za cijenu ponude) u napomeni da traženi toneri treba da budu original.
- Uvidom u ponudu ponuđača Amos Graf d.o.o. Sarajevo, utvrđeno je da Izjava o ispunjenosti uvjeta iz člana 45. stav (1), tačka od a) do d) Zakona, nije dostavljena u skladu sa tenderskom dokumentacijom, odnosno, nije ovjerena i potpisana od strane nadležnog organa (sud, notar ili općina). Također, Izjava iz člana 52. Zakona o javnim nabavkama nije ovjerena i potpisana od strane nadležnog organa (sud, notar ili općina).

Tenderskom dokumentacijom je planirano održavanje e-aukcije.

Međutim, obzirom da su četiri od pet ponuda neuredne u smislu kvalificiranosti ponuđača jer nisu dostavili dokumenta u skladu sa tenderskom dokumentacijom, ponude naprijed spomenutih ponuđača se isključuju iz daljeg učešća zbog neispunjavanja uvjeta za kvalifikaciju.


Iz naprijed navedenog, vidljivo je da se e-aukcija neće provoditi, obzirom da je urednu ponudu dostavio samo jedan ponuđač.

Komisija za javne nabavke je dala preporuku da se donese odluka o izboru i dodijeli ugovor o javnoj nabavci kancelarijskog materijala i tonera ponuđaču SVJETLOSTKOMERC d.d. Sarajevo, Muhameda Kantardžića broj 3, Sarajevo, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od 5.439,28 KM bez PDV-a.

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba Institutu za akreditiranje BiH, u roku od 5 dana od prijema iste.



DIREKTOR

Željko Medak

Dostavljeno:

- Ponuđačima
- Službi za opće, pravne i finansijske poslove
- web stranica
- arhiva